

جريدة محاكم

۱۷

صالی

نومرو	ذی القعدة	سنه	تشرین اول	سنه	صفیحه
۱۷	۱۲	۱۲۹۶	۱۶	۱۲۹۵	۱۲۹

اشو غزته بهر هفته صالی کونلری چیقار . سنه لکی التمش غروش و بهر نسخه سی التمش پاره *
 مجیدیہ اوله رق هر برده صاتیلور . درج اوانه جق اعلاناتک بهر سطرندن ایکی غروش انور . *
 سنه لکنه مشتری اولق استیانلر عدلیه نظارت جلیله سی اوراق مدیر لکنه مراجعت ایتلیدر *

اوطه سی محاکمه اوطه سنک اتصالیته اوله جغی کبی
 محاکمه اوطه لری وسعتلی و حکامک قعودینه مخصوص
 مواقع سطح زمیندن یوکسک اوله جق و جبهه لرنده
 سامعین ایچون قدهمه قدهمه محللر و وسط لرنده طرفینه
 مخصوص و اطراف لری پارمقلقی ایکی موقع ترتیب
 قلنه جقدر محکمه لر وقع حکومته جسیان بر صورتده
 تفریش و تنظیم اوانه جغی مثلا و اجرا مباشرلرینک
 البسه سی یکنسق و كذلك منتظم و یاقه لرنده بر
 علامت مخصوصه اوله جقدر و محکمه لر دائره لرینک
 بو صورتله واقع اوله جق تنظیماتی مصارفی نه به باغ
 اولور ایسه ریسلرینک سندیله قضا ولوا و ولایت مال
 سند قلرندن تسویه و انقله برابر محسوبی اجرا اولمق
 اوزره کیفیت مقام ولایتدن مفتش ایله مشترکا
 عدلیه نظارتنه بیلدیریله جقدر دیو محرر و مسطور
 بوانمش و غموم ولایاته دخی مؤخر مفتش و مدعی
 غومیلر تعیین قلمش اولدیغی حالده اکثر طرفلردن
 وقوعبولان اشعاراته نظرا عدلیه مأموزین
 اقامتی ایچون لزومی اولان محللرک هنوز

(فی ۲۹ شوال سنه ۹۶ وفی ۳ تشرین اول)
 (سنه ۹۵ تاریخلریله عدلیه نظارتندن ولایات)
 (عدلیه مفتش لرینه یازیلان تحریرات عمومیه)
 (صورتیدر)

ادرنه ولایت جلیله سی عدلیه مفتش لکنه با اراده سنیه
 اعطا بیوریلان تعلیماته محاکم نظامیه ایچون محللری
 حکومت قوناقلرنده و بوانه مدیغی تقدیرده سائر ابدیه
 عمومیده و او دخی یوغیسه مناسب برویا متعدد خانه
 استیجاریله انلرده محکمه لر و مدعی عمومی و یا مدعی
 عمومی معاونلری و مستنطقلر و کاتب و اجرا مباشرلری
 ایچون آیرو آیرو اوطه لرندن عبارب برر دائره تفریق
 و تخصیص اوانه جق و بوجهته هر محکمه نک
 دواثری اولا محاکمه و مذاکره و تنفس اوطه لرندن
 ثانیاً مدعی عمومی نه و یا معاوننه ثالثاً مستنطقلره
 رابعاً کتبه یه خامسا اجرا مباشرلرینه مخصوص
 اولق اوزره لا اقل بش اوطه دن مرکب اولوب
 ممکن اولدیغی مرتبه ایکنجی قسم ایچون دخی تنفس
 اوطه لری ارانه اوانه جق و هر محکمه نک

تدارك وارائه اولديغى اكلاشيلوب مأمورين مذكوره نك ايشه مباشرتله حقوق عموميه نك تاخر دن وقايه وناميني دوائر لازم نك تداركنه متوقف اوله رق بنارين تعليمات مذكوره نك بالجمله ولايات شاهانه يه تعميله احكام نك موقع اجرايه وضعى اقتضاي حال دن بولنش اولغله بوبايده ولايات جليله يه اوامر نامه سامى تسطير وتسبيرى خصوصه دار با تذكوره وقوع بولان اشعاره مذيلا باش وكالت جليله مقام عاليه سندن وارد اولان جوابده واقعا مأمورين مذكوره نك ايشه مباشرتله حقوق عموميه نك تاخر دن وقايه سي دوائر مذكوره نك تداركنه متوقف اولوب بناء عليه تعليمات مذكوره احكام نك هر طرفجه موقع اجرايه وضعى تعميما ولاياته بيلديرلمش وماليه نظارت جليله سنه دخی بيان حال ايدلمش اولديغى افاده قلمش اولغله اوراجده برهنوال محرر اقتضاي حالك مسارعة اجرا سنه اعتنا وهمت اولمسي سياقتنده

(في ۲۹ شوال سنه ۹۶ وفي ۳ تشرين اول سنه)
(۹۵ تاريخه عديله نظارت دن يازيلان)
(تحريات عمومية صورتيدر)

عديله نظارت ودواى وظائفي نظامنامه سنك اون النجى ماده سنده اوراق مديرى امور جزائيه وحقوقيه مدير لكرى معرفتيله نظارت دن تسطير اولتان محررات جوابلر نك محلاينه وصولي تاريخن دن اعتباراً نهايت برآيه قدر كلديكي حالده لازم كلان تاكيد نامه لرى تسطير ايشديرر ومتظر اولان جواب برنجى تاكيدده كلز ايسه اون بش كون صكره دفعه ثابته وينه كلديكي حالده تكرر اون بش كون صكره دفعه ثالثه اوله رق تاكيد ايشديرر واوچنجى تاكيد دن اون بش كون مرورنده جواب مطابق

ينه ورود ايتديكي تقديرده باعث تاخير اولان مأمور حقه قانونا لازم كلان معامله نك اجرا سيچون كيفيتي بامذكرة نظارته بيلديرر ديومحر اولوب ماده مذكوره حكمتك ولايات جليله يه ومقتضاي ايله مدعى عموميله بيلديرلمسي مديريت مذكوره دن بامذكرة افاده اولنش وكيفيت اقتضا ايدلره اشعار قلمش اولغله

(في ۸ شوال سنه ۹۶ وفي ۱۲ ايلول سنه)
(۹۵ تاريخه و ۴۱۷ نومروسي ايله محكمه)
(تمير جزا داره سندن ويريلان اعلامك)
(صورتيدر)

بك اوغلنده يكي شهر محله سي ساكنلر دن طنوز ياشنده برون دواون بر ياشنده انطرائيك نام چوجقزه سنله كروهن دن طويل اغوب طرفن دن وقوعي اعا اولتان فعل شنيع كيفيته دار جنابت محكمه سنك ۵ ذى القعدة سنه ۹۵ تاريخه ويوز يكرى سكر نومرولى مضبطه سي اوراق متفرعه سيله برابر محمه تمير جزا داره سنده مطالعه قلندي

ماللر نده بر بازار كو في ساعت اون راده لره مر قومان برون دواون انطرائيك اون ياشنده جوان ام چوجق ايله برلكده محله مذكوره جوارنده بولتان ارنى مزارقن دن كچرل ايكن تصادف ايتديكرى مر قيم اغوب راكب اولديغى مر كچي ويرمك ديسه سهله ذكر اولتان چوجقلى بالاقتفال چوپلكه كوتوره نك بولن دن برون دوايله انطرائيكه فعل شنيع اجرا ايلديغى ادعا اولمسنه مبنى يكرى ياشنده اولان مر قوم اغوب لدى الاستنطاق ادعا اولديغى وجهله فعل مذكوره جرأت ايتديكى اقرار ايلديكندن ومر قومان برون دواون انطرائيكه عند المعايينه طلايه دارامارات مشاهده

اولديغى راپورط ايله خبر ويريله رك مر قومانك ايشه صبى بولنلرينه نظرا فعل مذكوره جبر طبيعي اولديكندن مر قوم اغوبك يوز طقسان سكرنجى واون طفوزنجى مواد قانونيه يه توفيقا وديت توفيقى اولان طقسان بش سنه سي جادى الاول سنك طفوزنجى كونن دن اعتبارا بعدالتشهر اوج سنه مدته كور كه قونل سنه حكيم اوله رق تبليغ ايلديكى اكلاشلشدر

خصوص مذكورك تحقيقات ومحاكمه سنك صورت جرياني اصوله موافق وحكم مذكورك دخی قانونه مطابق اولمسي جهته تصديقنه قرار ويرلدى

(في ۲۰ شوال سنه ۹۶ وفي ۲۴ ايلول سنه)
(۹۵ تاريخه ايله محكمه تمير جزا داره سندن)
(ويريلان اعلامك صورتيدر)

قوصوه سنجاغنده واقع پرشتنه قضاسنه تابع زهديه قريه سنده بقالق ايتكده اولان پرزرينلى كيقو واد استانوميرك انبارنده وقوع بولان سرقت كيفيته دار محكمه استيناف ولايت دن مذييل لواء مذكور بدایت محكمه سي مضبطه سيله اوراق متفرعه سي قوصوه ولايت دن ۲۷ جادى الآخره سنه ۹۶ تاريخه والتمش بر نومرولى تحريات ايله كوندرلمش اولغله محكمه تمير جزا داره سنده مطالعه قلندي

ذكر اولتان محكمه بدایت مضبطه سنده طقسان بش سنه سي مارتك يكرى بشنجى بازار ايرته سي كيجه سي قريه مزبورلى زيوه ولد مارتقونك ذكر اولتان انبارك واقع اولديغى ايكي بچق آرشون يوكسكل كنده بولتان چيت ايله محاط باعجه يه چندن اشهرق وانباره دخی قپوسي اوزرنده كي دليكدن دخول ايدرك اون ايكي قيه مقدارى مصر سرقت

ايتديكى كندو اقرارى وامارت ايله تين ايلديكندن ايكيوز يكرى مجبى ماده قانونيه يه توفيقا وديت توفيقى اولان طقسان التى سنه سي ربيع الآخري نك اون يدنجى كونن دن اعتبارا اوج سنه مدته كور كه قونل سيله برابر مسروق مصرك كندوسنه تضمين ايتديرل سنه قرار ويريله رك تبليغ ايلديكى بسان ومحكمه استيناف ولايت ذيلنده دخی مر قوم زيونه نك اشديغى محل ديوار اولوب چيت دن عبارت اولديغى وانيسار قپوسنك اوزرى دخی ذاتا اچيق بولنديغى جهته مر قومك حركت واقعه سي ايكيوز يكرى ايكي مجبى ماده قانونيه يه توافق ايلديكندن اكا كوره حكم مذكورك اصلاح اولمسي ضمنده اوراق مذكوره افاده قلمش اولديغى حالده ذكر اولتان بدایت محكمه سي قرار سابقنده اصرار ايلش اولديغى ايتان قلمشدر

ذكر اولتان بدایت محكمه سنك قرارى وجهله خصوص مذكور كورك جزاسنى موجب اولديغى حالده مواد جنائيه دن واول حالده محاكم نظاميه نظام نامه سنك اون بشنجى ماده سي منطوقجه محاكمه سي وحكمي محكمه استيناف ولايته عائد اولق لازم كلوب حالوكه مذكور ايكيوز يكرى مجبى ماده قانونيه ديوار دلته رك وزربان ايله اشيله رق وآت مخصوصه ايله قپو اجيله رق وقوع بولان سرقت فاعلارى حقه ماده موضوع اولمسيه واكرچه آت مخصوصه استعمال ايتكسرين قپو قرمغله ويا زربانسزد ديوار اشغله ايقاع سرقت ايدلره دخی بوماده حكمته توفيقا تعيين مجازات مسبق ايسده روش اشعاره نظرا مذكور چيتك بالسهوله اشيله جن حالده اولوب ذكر اولتان انبارك دخی كذلك سهولته كرلكه مساعد اچيق محلى بولمسيه شو سرقت فعلتك مذكور ايكيوز يكرى مجبى ماده حكمتي مستلزم اولديغنه دار محكمه استيناف ولايتك مطالعه سي

بجا اولوب شو قدر که هر قومک سرقت مذکوره به منفردا متجاسر اولمش اولديغه و ذکر اولنان انبار دخی آدم او تورر محفلار دن معدود اولديغه کوره حرکتی ایکیوز او تونجی ماده حکمته موافق و بوده قانونا جنحه درجه سنده اولديغدن لوا بدایت محکمه سنجه اصلاح حکم اولمق اوزره اوراق مذکوره نك اعاده سنه قرار ویرادی

(فی ۵ ذی القعدة سنه ۹۶ وفی ۸ تشرين)
(اول سنه ۹۵ تاریخلی و ۴۹۲ نومرولی)
(اعلامک صورتیدر)

خداوند کار سنجاقنه تابع ازنیق ناحیه سنده واقع مشکره قریه لی ممش اوغلی علی نك زوجہ سی کلثوم خانومه جبرا فعل شنیع اجرا ایلدیکی ادعا اولنان قریه مذکوره اهالیستدن اوقه اوغلی امین حقهده لاحق اولان حکمهده آر خداوند کار سنجاقنی بدایت محکمه سندن تنظیم و محکمه استیناف ولایتدن ذیلا تصدیق قلنان مضبطه ایله اوراق متفرعه سی جانب ولایتدن ۸ جمادی الاولی سنه ۹۶ وفی ۱۶ نیسان سنه ۹۵ تاریخلی ویوز اوج نومرولی تحریرات ایله کوندرملکله محکمه تمیز جزا دآره سنده مطالعه قلندی

مالرینه نظرا هر قوم امینک فعل مذکوره جرأتی اخبارات و امارات ایله تحقق ایتمسندن و سابقه لی اشخاصدن بولمسندن ناشی طقسان سکرنجی ماده قانونیه موجبجه بش سنه مدته کورکه قونلسنه حکم ایدیلرک تبلیغ اولندیغی اکلالمشدر محاکم نظامیه نظامنامه سنک اون بشنجی ماده سی مفهومنه کوره بومقوله مرکز ولایت اولان سنجاقه مربوط قضالده وقوعبولان جنایت ماده نيك

محاکمه سی و حکمی محکمه استیناف ولایته عائد کورملکله برابر ذاتا مذکور لوا محکمه بدایتی هر قوم امین علیهنده قضا بدایت محکمه سنده اخبار ماد ایدیلری جلب ایله عنده المحاکمه استجواب ایتمکسزین اعطای حکم ایش اولغله حکم مذکورک تصدیق قابل اولدیغدن کیفیت احکام قانونیه تطبیقا رویتی ضمنده اوراق هر قومه نك اعاده سنه قرار ویرادی

(فی ۱۲ ذی القعدة سنه ۹۶ وفی ۱۶ تشرين)
(اول سنه ۹۵ تاریخ و ۴۹۹ عددیله محکمه)
(تمیز جزا دآره سندن ویریلان اعلامک صورتیدر)

خادمی حسینک اثنای راهده افسه سنک کیفیت مقصوبتیه دآر آیدین ولایتدن ۴ ذی القعدة سنه ۹۵ وفی ۱۹ تشرين اول سنه ۹۴ تاریخلی و التمش بش نومرولی تحریرات ایله کوندریلان محکمه استیناف ولایتدن مذیل صارو خان سنجاقنی بدایت محکمه سی مضبطه سی و اوراق متفرعه سی محکمه تمیز جزا دآره سنده مطالعه قلندی

مضبطه هر قومده قرق اناچلی طوپال علی اوغلی محمدک قره بت نامنده فراری رفیقیه هر قوم حسینک اوکنه چیقوب نفوذینی غصب ایلکاری اده اولته رقی بکرمی التي باشنده بولنان هر قوم محمد قضا بدایت محکمه سنده لدی الاستنطاق مقر جنایت اولدیغی حالده لوا بدایت محکمه سنده منکر بولمش ایسهده هر قومک اقرار مسبوقنه و اوزرنده بیلک یوز او توز اوج غروش ظهور ایدوب محکمه مدعی ویرلش اولسنه نظرا رفیقی فراری قره بت ایله مدعینک ادعا ایلدیکی ایکی بیک بشیوز بتمش غروش سرقت ایش اولدیغی تبین ایلدیکندن التمش ایکیجی ماده قانونیه علاوه سی موجبجه بعدالتشهر

اوج سنه مدته کورکه قونلسنه و نفود مسروقه بقیه سنک دخی قرق التنجی ماده حکمجه کندوسندن تحصیلنه حکم ایدیلرک تبلیغ اولندیغی اشعار و محکمه استیناف ولایت ذیلنده دخی هر قوم حقهده اوج سنه مدت کورک جزاسی خفیف کورندیکسندن بومدتک درت سنه یه ابلاغی و مقدار مسروقاتک عدم تعینی جهتیه بونکده ایلروده بالتحقیق ثابت اوله جق مقدار نيك تحصیلی لزومی ازبار فلتمشدر

خصوص مذکور حقهده جریان ایدن تحقیقات و محاکمه بولنده اولوب جهت حکمیه به کلنجه هر قومک مضبوط افاده سنه نظرا بوفعلی راست کلدکرینی صومق اوزره مسلحا طاغیرده قیرلده کزوبده ابساع ایش اولیه رقی مدعینک بوله چیقجه جغنی و پاره سی اولدیغنی حس ایله رفیقیه کیدوب افسه سی التمش اولمیریه حرکتی سرقت جبرییه درجه سنده و ایکیوز بکرمی برنجی ماده قانونیه حکمته موافق کورندیکنه ومع مافیه کندوسی طقسان اوج سنه سی صفر نيك سکرنجی کونندنبرو محبوس بولمسایله عفو عالی جناب شه ریاری اقتضاسندن اولان ثلث مدتک تزیلنده مدت محکومه سی اكمال ایله صالح بولمش اولدیغی اکلالمشلدیغنه مبنی تحت کفالتده ایسه اخراجنه و جهت حقوقیه نك دخی محکمه استینافک مطالعه سی وجهله محلنجه تسویه ایجابنه قرار ویرادی

(فی ۴ ذی القعدة سنه ۹۶ وفی ۸ تشرين اول)
(سنه ۹۵ تاریخلیه ویوز الی بش عددیله محکمه)
(تمیز حقوق دآره سندن ویریلان اعلامک)
(صورتیدر)

یونان دولتی تبعه سندن خرستو ماقری ایله بک

اوغلنده جاده کیرده کآن قهوه دلا قورون نام غازیونک مستأجری قوش اوغلی سرکز بدینده متحدث اجرت دلایله منازعه سنه دآر بک اوغلی مرکز بدایت محکمه سی حقوق دآره سندن اعطا قلنان ۲۶ جمادی الاخره سنه ۹۶ تاریخلی اعلام غیابینک تمیزا رویت و ندقیق هر قوم خرستو ماقری جانبندن استندعا قلندیغی بیانیله اجرای ایجابی دولت مشار الیهها سفارتندن وارد اولان تقریر و متفرعاتنده طب ایدلش و حویار خاننده او توز التي نومروده ساکن داماد اوغلی اغوب اقدینک امضاسایله ممضی و مصدق برقطعه کفالتنامه اعطاسایله شرائط تمیزیه اجرا قلنش اولدیغندن طرفینک امر محاکمیری اجرا قلنق اوزره علی الاصول مستدعی مزبور خرستو ماقری نك وقوعبولان مر اجعت و طلبیه تنظیم اولنان احضار پوصله سی مدعی علیه هر قوم سرکز تبلیغ وزیری یوم معینده کله چکنه دآر امضا ایتدیرلدیکی حالده یوم مذکورده هر قوم سرکز کلدیکی کی طرفندن بر وکیل دخی کوندرماش اولدیغنه و مستدعی ماقری جانبندن مصدق سنده وکاله یورکی داله کله رک حکم نظامک اجراسی طلبنده بولندیغنه بناء دولت مشار الیهها سفارت ترجمانلندن موسیو فاقره حاضر اولدیغی حالده غیابا رویت دعوا به ابتدار و اعلام مذکور ایله طرفینک اعتراض و جواب لایحه لری بعدالقرائه اولبابده اولان ادعا و افاده سی هر قوم ماقری بدن استفسار قلندی

اعلام مذکور مآنه نظرا هر قوم خرستو ماقری مزبور قوش اوغلی سرکز مذکور غازیونک اوج سنه لکنی کندو و ساطت و معرفتیه طقوز بوز لیرایه استیجار ایش و بدل ایجار مذکورک دلایله سی اولمق اوزره تعرفه موجبجه و یوزده درت حسابیه موجر و مستأجر طرفلرندن مناصفه

کنند و سینه اعطاسی لازم کلان اوتوز التي لیرادن اون سکر لیراسنی موجر طرفندن استیقا اینس اولدیغنی حالده مستأجر مرقوم سکرز حصهسی اولان اون سکر لیرایی ویرمیدیکندن بختله مبلغ مزبورک مع فائض تخصیاتی طلب و دعوی وصفه دلایله سند دأر برقطعه تذکره ابراز و اعطای اتمش ایسه ده مرقوم سکرکزک اولسان جلب و دعوتیه اجابت ایتماسی اوزرینه غیبندن رویت دعوتیه ابتدار ایله رسوم دلایله نک خزینه جلیله جه احالاتی یوزده ایکی بچق اوزرینه مؤسس اولوب مدعی ماقرینک طلبی وجهله یوزده درت اجرت دلایله انه جفته دأر برکونه صراحت نظامیه اولدیغندن مزبور ماقرینک بدل ایجار مزبوردن یوزده ایکی بچق حسبته انجق یکریمی ایکی بچق لیرا حتی کورینوب بوندن اون سکر لیراسنی دخی موجردن استیقا ایدیکی تحت اقرارنده اولسیله ذکر اولسان یکریمی ایکی بچق لیرادن مقبوضی اولان اون سکر لیرا بالتغزیل باقی قلان درت بچق لیرانک مع فائض مرقوم سکرزندن تحصیلنه حکم اولدیغنی اکلشلسدر

مستدعی تمیز ماقری جانبدن درمیان اولنان اعتراضاتک باشلوجهسی ذکر اولسان غازیو کندو دلالت و وسطاطینه صاحبی جانبدن خصمی سکرزه ایجار ایدلمش و بومقوله املاک و عقاراته متعلق و قوعبولان ایجار واستیجاردن طولایی دلالت اصنافنک موجر و مستأجر دن بدل ایجارک بهر یوز غروشنده درت غروش اجرت دلایله المیق اصول وقاعده قدیمه و عرف و عادتله اقتصاسندن اولدیغنی کبی بوضوت اصناف مرقومه به مخصوص تعرفه ده دخی مخرج بولنش اولدیغنی حالده بک اوغلی حقوق دأره سبجه بورالی تأمل و مطالعه و لایقیله تدقیق ماده اولمقسزین کندوسنک مذکور

غازینوبدل ایجارندن یوزده ایکی بچق غروش حسابیه اجرت دلایله اخذینه استحقاقی اولدیغنی بیانیله بر منوال محرر حکم و اعلام قلمسی قاعده قدیمه به و عرف و عاده مخالف ایدوکنندن اعلام مذکورک نقضی طلب واستدعاسندن عبارت بولنش و دلالت اصنافی کتخدالقی جانبدن ویریلان واجرت دلایله نک یوزده درت غروش حسابیه اخذ ایدلمکده اولدیغنه دأر النجی دأره سکرکتانک درکنارینی حاوی بولنان برقطعه عرضحال ابراز وارانه ایدلمشدر مدعی علیه سکرکزک جواب لایحه سنده دخی خصمی خرستونک تمیزینی طلب ایدلیکی اعلام ابتدائی غیاباً لاحق اولمش اولدیغنی جهتله کندوسنک اعتراض علی الحکم طریقیله درجه اولی محکمه سنده مراجعتی و قوعبولمقسزین اعلام مزبورک تمیزاً تدقیق غیرقابل اولغله برابر کندوسی مذکور غازیو متصرفی ایله حقوقی اولمقدن ناشی بالذات مراجعتله استیجار ایدرک ایجاب ایدن قونطراتوسی تنظیم و املا و معامله مقتضیهسی دخی اجرا ایدر یلوب مرقوم خرستونک بویابده برکونه دلالت و وسطاطی و قوعبولماش اولدیغندن بختله مرقومک تمیز استهنامه سنک ردی محرر بولنشدر

بونک اوزرینه اول امرده مدعی علیه سکرکزک انف البیان لایحه سنده محرر اولان و اعلام ابتدائیک غیاباً لاحق اولسی ملاسه سیله قبل الاعتراض تمیزی غیر جائدوکی متفرع بولنان اعتراضنک تدقیقنه لدی الابتدار اعلام مزبوردن اکلشلدیغنی و بالاده کوسترلیدیکی اوزره بک اوغلی حقوق دأره سبجه مستدعی خرستونک اقامه ایدلیکی دعوی اوزرینه مرقوم سکرز لاجل الحاکمه جلب و دعوت اولمشیکن اجابت ایتماسندن و کندوسنک دخی مدعی علیه اولسندن دولایی اصول محاکمه نظامنامه سنک التمش یدنجی ماده سنه توفیقاً مدعی بولنان مزبور خرستونک

و جاننده رویت دعوی برله اعلام مذکور تنظیم و اعطای قلمش اولسنه کوره اعلام مزبورک حاوی اولدیغنی حکم مرقوم خرستو حقهده و جاهاً لاحق اولمش اولدیغندن مرقومک حکم مزبور دن طولایی اعتراض علی الحکم طریقیله دأره مذکوریه مراجعتله تکریر ادعا و اعتراضه صلاحیتی و خصمی طرفندن دخی بویابده مراجعت و قوعنی انتظاره بجزوریت نظامیهسی اولیوب طوغریدن طوغری به تمیزاً اقامه دعوتیه حق و صلاحیتی بولنش و بویکی اعلاماتک قبل الاعتراض تمیزاً تدقیق غیر قابل اولدیغنه دأر دخی برقره نظامیه کوریه ماش اولسیله مزبور سکرکزک اعتراض مزبوری غیر وارد کورینه رک رد اولندقدنصکره دعوی تمیزک ایجابی لدی المذاکره دأره مرقومه جه رسوم دلایله نک خزینه جلیله جه احالاتی یوزده ایکی بچق اوزرینه مؤسس اولدیغنی کبی بونک یوزده درت حسابیه اخذ واستیقا وانته جفته دأر دخی برکونه صراحت نظامیه اولدیغندن بختله مستدعی خرستو ماقرینک یوزده ایکی بچقندن اجرت دلایلهسی حساب و تحت اقرارنده بولنان مقبوضاتی تنزیل اولندقدن صکره باقیسی اولان درت بچق لیرانک مع فائض مستأجر مزبور سکرزندن تحصیلنه حکم و اعلام اولمش اولوب انجق مرقوم خرستونک اساس ادعاسی مستأجر سکرکزک کندو دلایله استیجار ایدلیکی غازیونک بدل ایجارندن تعرفه لری موجبجه و یوزده درت حسابیه اجرت دلایلهسی اولوب موجر و مستأجر طرفلرندن مناصفه اعطاسی لازم کلان مبالغدن مرقوم سکرزه عائد اولان اون سکر لیرانک تخصیصی طلبندن عبارت اولسیله بک اوغلی حقوق دأره سبجه اول امرده مرقوم خرستونک مذکور غازیونک ایجار واستیجارنده دلالتی و قوعبولوب بولدیغنی بالتحقیق تعیین اولمقی و مرقومک بویابده

دلالتی و قوعبولدیغنی مرتبه ثبوتیه و اصل اولندقدنصکره دخی اجرت دلایله نک یوزده درت غروش ایدوکننه دأر تمشک واستناد ایدلیکی مذکور تعرفه کندوسندن استنبه رک مطالعه و بین الاصناف اجرت مذکور حقهده جاری اولان اصول وقاعده و بویابده کی عرف و عادت سوال و تحقیق اولمقی لازمه دن و خصوصیه محاکمه ده حاضر بولنمیان طرف مدعی علیه اولدیغنی جهتله مدعینک دعواسنک بالاطراف تحقیق و تفتیش اولمسی اصول محاکمه نظامنامه سنک التمش سکرزنجی مادهسی احکامندن بولنش ایکن صور مشروحه دأره سنده اجرای تحقیقات و تدقیقات اولمقسزین بر منوال محرر حکم و اعلام ویرلمسی یولسز و مقایر اصول و نظام اولسیله مستدعی خرستونک بالاده محرر اعتراضی بولنده کورنیدیکندن نظامنامه داخلینک ایکنجی مادهسی موجبجه اعلام مذکور نقض ایدلمش اولغله کیفیت متقوضیتی اصولی وجهله قیدی بالاسنه شرح ویرادکن صکره مصححتک اصول وقاعده سنه توفیقاً یکیدن رویت و تدقیقیله بتکرار اعلامه ربط اولمقی اوزره بک اوغلی حقوق دأره سنه ارجاعنه ومدتی ظرفنده اعتراض علی الحکم و قوعبولدیغنی تقدیرده ایجابنه باقلسنه و اقتضای ایدن اعلام و صورت و تبلیغ خرچلرینک اول امرده مستدعی خرستودن التمسنه فی ۱۴ شعبان سنه ۹۶ تاریخده متفقاً قرار ویرمه رک وکیل مومی الیه تفهیم قلمدی

(اعلان)

بروسه حبسخانه سنده محبوس بولنان مجرمیندن التمشی متجاوز نفرک صالحیورلیدیکی و بونلرک ایکننده برده قاتل بولدیغنی واحکام قانونیه به مخالف وضابطه عدلیه بی محل اوله رق و قوعبولان اشبو احوالک منعه

صكره بلزايده فروخت اولنه جنی مقرر بولنديغی
بك اوغلی بدایت محكمه سی اجزا دائره سی طرفندن
اعلان اولنور

فی ۲۶ ایلول سنه ۲۹۵

قیماقی پترونك بفقچوان حید افا ذمتنه بااعلام
مطلوبی اولان مبالغ معلومه نك تسویه سی ضمتنه
مدیون مر قومك قوری چشمه ده بیوك جاده ده التمش
درت نومرولی برباب قوندورجی والتمش التی نومرولی
برباب یغورتجی دكانلرنده متصرف اولدییغی نصف
حصه سنك فروختی محكوم اولوب تاریخ اعلانندن
اعتباراً اون بش کون صكره مزایده سی مقرر
بولنديغی بك اوغلی بدایت محكمه سی اجزا دائره سی
طرفندن اعلان اولنور

فی ۱۵ تشرین اول سنه ۹۵

بنجه قیوسنده سلطان جمعی جوارنده مقیم مفلس
تحافجی بخورخام قوه نك ذمتنه الاجفی اولنلرك
قانوننامه تجارتك یوز طقسان طقوز وایکی یوزنجی
ماده لری موجبنجه الاجقارینه دأر یدلرنده اولان
سندات واوراق ساره بی بالاستصحاب اشوبیك
ایکیوز طقسان بش سنه سی تشرین اولنك اون
بشجی بازار ایرتسی کونندن اعتباراً یکرکی کون
ظرفنده بهر بازار ایرتسی و پنجشنبه کونلری ساعت
التی دن نهایت یدی به قدر دردیجی محكمه تجارت
كلهرك ژورژ قومیسر وسندیكلمر مواججه سنه
الاجقارینی قید وتصدیق ایتدیلملری اعلان اولنور

مطبعة عامر ده طبع اولنمشدر

تثبت ایتك و هج اولزایسه بو یاده عدلیه نظارتنه
معلومات و یرمك لازم كلور ایكن خداوند كار ولایتی
عدلیه مفتشی عزتلو كامل افندیك بو یاده تسامح
ایتمسینه برابر سار صورتله دخی برجنایت دعوا سنك
تحقیقنه كیدهرك مدعیدن خلاف اصول مباشریه
نامیله اون بیك غروش الدیغی اجرا اولان تحقیقات
ایله تحقق ایدوب واقع اولان استعلام اوزرینه اخیرا
كلان جوابده كندوسی دخی بو حاللری اعتراف
ایتدیكندن مومی الیهك تحت محاكمه الیسی حقنده
نظارت مشار الیهادن باب عالی به سبق ایدن اشعار
اوزرینه مومی الیهك اجرای محاكمه سی شورا
دولته حواله بیوریلر ق تحت محاكمه الیه الیمشدر

بك اوغلی بدایت محكمه سی اجزا ماموریتی معرفتیه
فروختی اعلان اولنه جنق املاكه هر کیم طالب اوله جنق
اولور ایسه پی اوله رق اعطا ایده جکی اچیه بی دلانته
ویا مباشر وساره به تودیع ایتسی جاز و معتبر اوله
مبوب طوغریجه اجزا دائره سنه مراجعت ایدرك محكمه
وزنه سنه تسلیم ایتسی ولزم كلان مقبوض علم و خبرینی
اخذ ایلسی اقتضا ایده جکی معلوم اولق ایچون
اعلان کیفیت اولنور

فی ۵ تشرین اول سنه ۹۵

قیوجی باشی احمد افا زوجه سی طایشه خانمك متوفی
بدروس زوجه سی قره قاش ابه ظار طار قادین ذمتنه
با اعلام مطلوبی اولان مبالغ معلومه نك تسویه سی
ضمتنه مدیونه مر قومه نك بشكطاشده یکی محله ده
یلدیز جاده سنه ۱۶ نومرولی متصرفه اولدیغی
برباب خانه نك تاریخ اعلانندن اعتباراً اون بش کون